



Шунмгъа кӧдлмшӑрн хӑрӑ ӧгчӑнӑ

Москвад болсн социалистическ орн-нутгудин коммунистическ болн кӧдлмшч партъ-син элчнрин Совещанӑ Декларациг болн Тӧвкнӑн бӑӑлгънӑ Манифестиг Троицк селӑнӑ „1 Мая“ артелин хувц уйдг мастерскойин кӧдлӑчнр икӑр таасдж дӧнънӑд, декабрь сарин даалгъвран болзгаснь ӧмн 113 процент кӑцӑв.

Артелин кӧдлӑчнр дунд хувц уйлгъна мастер Паршикова Е. шунмгъа кӧдлмшӑрн йилгърнӑ. Шинӑс хувц уйдг дасджах Скидникова В. бо Гончарова хойрг хувц ягъдж ке кевӑр ишкдгиг, зах болн ханц залгъдж сӑӑнӑр уйдгиг эн заадж ӧгнӑ.

Олн джилин эргцд хувц уйдгар кӧдлджӑх Паршиковаг багъчуд икӑр кӑндлнӑ.

Б. ЕМЕЛЬЯНОВ.